

廣博物志卷之五十

隴西董斯張纂

玉峯張大復訂

蟲魚下

分蟲

諸水蟲

諸蟲豸

齊景公渡沈之河鼃銜左驂沒之衆皆惕古冶子於是拔劍從之邪行五里逆行三里至於砥柱之下乃鼃也左手持鼃頭右手挾左驂燕躍鵠涌而出仰天大呼水爲逆流三百步觀者皆以爲河伯也

晏子

靈帝時江夏黃氏之母浴而化爲龜入於深淵

其後時出見初簪一銀釵及見猶在其首

續漢書

神記○宋士宗母宣
騫母事同不重錄

黃河中舊不生龜忽得一以獻虎佛圖澄見而

歎曰桓溫其入河不久溫字元子後果如言也

十六國

春秋

訶條之國有鼃焉能吐食飲以濟饑乏者

鼃一名土龍能橫飛不能上騰

郭璞睡時有人見形變鼃云是鼃精

文選注

卜師掌開龜之四兆一曰方兆二曰功兆三曰

義兆四曰弓兆

周禮

龜人掌六龜之屬天龜曰靈屬地龜曰繹屬東
龜曰果屬西龜曰雷屬南龜曰獵屬北龜曰若
屬上

憲翼之水其中多玄龜其狀如龜而鳥手虺尾

其名曰旋龜其音如判木佩之不壅

山海經

伊水多三足龜食者無大疾可以已腫

大蒙神龜出於溝壑

初學記

磁石上飛雲母來水蛤蟹珠龜與月盛衰

淮南

龜鼈之類無雄水蛤之類無雌

郭璞云

龜得鑑則失溺毒三得天則甲脫鷄鶩聞磨聲則蟻蚶食茹則醉

鼈三足曰能龜三足曰賁

神龜三百歲游藻葉之上三千歲游卷耳之上

宋書

靈龜文五色似玉似金背陰向陽上隆象天下

平法地槃衍象山四址轉運應四時文著象二

十八宿蛇頭龍翅左精象日右精象月千歲之
化下可上通能知存亡吉凶之變

說苑

記曰能得名龜者財物歸之家必大富至千萬
一曰北斗龜二曰南辰龜三曰五星龜四曰八
風龜五曰二十八宿龜六曰日月龜七曰九州
龜八曰玉龜

天子龜尺二寸諸侯八寸大夫六寸士民四寸
龜者陰虫之老也老者先知故君子舉事必考

之禮

有星池千里池中有神龜八足六眼背負七星
日月八方之圖腹有五嶽四瀆之象時出石上
望之煌煌如列星矣

拾遺記

陶唐之世越常國獻千歲神龜方三尺餘背上
有文科斗書記開闢已來帝命錄之謂之龜曆
伏滔述帝功德銘曰胡書龜曆之文

述異記

堯時與羣臣賢智到翠嫵之川太龜負圖來投

堯堯勅臣下寫取告瑞應寫畢歸還水中

龍龜
河圖

禹所穿鑿之處皆以青泥封記其所使玄龜印

其上

拾遺記

越王勾踐恃十朋之龜與吳戰而不勝身臣子

吳反國棄龜明法親民以報吳則夫差爲擒

韓子

數過國獻能言龜一頭長一尺二寸盛以青玉

匣廣一尺九寸匣中豁一孔以通氣東方朔曰

唯承桂露以飲之置於通風之臺上欲往下命

朔而問焉言無不中

述異記

葛玄指蝦蟆使飛龜使舞

神仙傳

孔愉經餘亭放龜溪中龜中流左顧後以功封

餘亭侯及鑄侯印而龜左顧更鑄亦然印工以

聞愉愉悟乃取佩

晉中興書

餘姚縣倉封閉甚密而年年輒大損耗是富陽

縣桓王陵上雙石龜所食卽斷毀龜口於是無

復虧減

異苑

東北巖海畔有石龜俗云魯班所作夏則入海

冬復止於山上陸機詩云石龜尚懷海我寧忘

故卿

述異記

張駿夢出遊不識其處見一玄龜向之張口而

言曰更九日當有嘉問經九日六月丙戌薨於

正德殿十六國春秋

符堅建元十二年高陵縣民穿井得大龜三尺
六寸背紋負八卦古字堅命作石池養之食以
栗後死藏其骨于太廟其夜廟丞高虜夢龜謂
之曰我本出將歸江南適時不遇殞命秦庭卽
有人夢謂虜曰龜三千六百歲而終終必妖興
亡國之徵也未幾爲謝玄攷于淮淝

異苑

元嘉初益州刺史遣三人入山伐樵路迷或見

一大龜如車輪四足各攝一小龜而行又有百餘黃龜從其後三人叩頭指示出路龜乃伸頭若有意焉因共隨逐之得出路一人無故取小龜割以爲臠食之須臾暴死惟不噉肉無恙

長山縣王惠獲六目龜一頭腹下有萬歡字并

有卦兆

南齊書

建城縣昌城田獲四目龜一頭下有萬齊字

上

臨江郡民劉京孝行鄉里推敬時江水暴溢居者皆漂溺京負其母號泣忽有大龜至其前舉

家七口俱上龜背然行十許里及一高岸龜遂

失之

九江記

秣陵令中山劉沼梁天監三年爲建康監與門
生作食次竈裏得一龜長尺許在灰中了不以
燔炙爲弊劉爲設齋會放之於婁湖劉俄遷秣
陵令

續異記

陸法和嘗至襄陽城北大樹中畫地方二尺令
弟子掘之得一龜長尺半以杖叩之曰汝欲出
不能得已數百歲不逢我者豈見天日乎爲授

三歸龜乃入草

神僧傳

庾信死後化爲老龜

隋文帝開皇中掖庭宮每有人來挑宮人司宮以聞帝曰門衛甚嚴人從何而入當妖精耳因戒宮人曰若來但砍之其後夜來登牀宮人抽刀砍之若中枯骨其物走落宮人逐之因入池而沒明日帝令涸池得一龜尺餘其上有刀痕殺之遂絕

五行記

陳嚴恭者陳太建初恭年弱冠請於父母願得

五萬錢往楊州市易父母從之恭船載物而干
去楊州數十里江中途一船載黿將詣市賣之
恭念黿當死因請贖之謂黿主曰我正有五萬
錢願以贖之黿主喜取錢付黿而去恭盡以黿
放江中而空船詣楊州其黿主別恭行十餘里
船沒而死是日恭父母在家昏時有烏衣客五
十人詣門寄宿并送錢五萬付恭父母曰公見
楊州附此錢歸願依數受也父恠愕恭死因審
之客曰兒無恙但不須錢故附歸耳恭父受之

記是本錢而皆小濕留客爲設食客止明日辭
去後月餘日恭還家父母大喜觀止而問附錢
所由恭答無之父母說客形狀及付錢月日乃
贖龜之日於是知五十客皆所贖龜也

法苑珠林

昔波羅柰國有一商主各不識恩共五百賈客
入海採寶得寶還返到淵廻處遇水羅刹而捉
其船不能得前衆商人等極大驚怖皆共唱言
天神地神日月諸神誰能慈悲救濟我也有一
大龜背廣一里心生悲愍來向船所負載衆人

卽得渡海時龜小睡不識恩者欲以大石打殺
龜頭諸商人言我等蒙龜濟難活命殺之不祥
不識恩曰我儕饑急誰能念恩輒便殺龜而食
其肉卽日夜中有大羣象踰殺衆人上

爾時佛告諸比丘言我念昔有一河名波利耶

多

隋言
彼節

時彼河岸有一人是結華鬘師其人有

園在彼河側而彼河內時有一龜從水而出至
華園中求食而行處處經歷蹋壞其華時彼園
主見龜壞華園主卽捉置於一筐篋中欲殺食